

S'PERFEKTE Fratze DINNER

s'Beschzte wos je hets gits



Brote, mixe, koche, gare, bache und s'ganze no umgekehrt,
s'laufft im TV uf allne Sänder, das hän mir scho lang gmerkt.
Kochsändige überall wo de au ane luegsch, e grossi Fluuet.
Damit au du zum super Koch wirtsch, mache dir alli Muet.

Ob Al Dente, D'Kochprofis, Alfredissimo oder Kocharena,
Koch-Götter wie Oliver, Mälzer und Lafer vor dr Kamera.
Hell's Kitchen, Born to cook, Kochkunscht und Ganz & Gar,
Scho bim Färnsehluege wirtsch au du zum kochende Star.

Kuchischlacht, Kochkunscht und Kochprofis mit Isatz am Härđ.
Kulinarischi Wältreis, Summerkuchi, koche was s'Härz begährđ.
Koche bi Fründe, koche mit Schuhbecks und koche bi Kerner.
Das sin alles Náme vo Sändige und d'Lischte wär no viel länger.

Mir Escargots-Fratze mache bi däm Trend mit Volldampf mit,
Dr Waage hän mir zunere Kuchi umbaut, es isch eifach dr Hit.
S'Perfekte Fratze-Dinner dien mir jetzt durum für euch mache:
Suppe, Gmies, Fleisch, Fisch, Nuudle, und anderi feini Sache.

An dr Fasnacht kasch uns jetzt koche gseh, mit vollem Gnuss.
In unserer Kuchi stoht alles parat, jetzt kömme mir in Schuss.
Mir wäsche d'Händ mache alles parat mir wärde ganz heiss,
zeige dir Kochkünscht, gän Tipps und Isatz mit viel Schweiss.

Zwiebele hacke, Peterli schniede, Gurke und Riebli schelle,
Wasser in d'Pfanne, Förmlı fette, und dr Bachofen ischtelle,
Thon zu Mousse mixe, Schlagrahm schlo und e Sauce mache
Alles kei Problem und mir dien drzue au immer schön lache.

Unser Dinner wird e Erfolg do drfo sin mir Fratze voll überzoge,
nit z'schwehrs aber au nit z'liechts Ässe, eifach schön usgwoe.
Mir sin ganz sicher, dass es uns glingt, im Ärscht und ohni Witz,
„S'Perfekte Fratze-Dinner, und zwar s'Beschzte wos je hets gits!“

E schöni Fasnacht 2010!



www.escargots-fratze.ch